

Коленопреклоненные молитвы на Троицу святитель Василий Великий

(после литургии)

«После Литургии в день Св. Троицы (тоже называется Пятидесятницей, или Сошествием Св. Духа на апостолов) совершается Вечерня по обычному плану. На этой Вечерни читаются три молитвы с коленопреклонением. Составлены эти молитвы Св. Василием Великим (329–379 гг.).

В 1-й молитве мы исповедуем пред Отцем Небесным наши грехи и просим Его помиловать нас ради великой жертвы сына Его, Господа нашего Иисуса Христа.

Во 2-й молитве мы просим Господа даровать нам Божественного Духа.

В 3-й молитве просим Господа, сошедшего во ад и сокрушившего силу дьявола, упокоить наших усопших отцев и братьев в месте светле, в месте злачне, в месте покойне».

(Н. Р. Антонов: Храм Божий и Церковныя Службы, 1912 г., С. Пб., стр. 208).

Молитва первая

1. Пречисте, нескверне, безначальне, невидиме, непостижиме, неизследиме, непременно, непобедиме, неизчетне, незлобиве Господи,

един имеяй безсмертие, во свете живый неприступнем: сотворивый небо и землю и море, и вся созданная на них: прежде еже просити, всем прошения подаваяй:¹

2. Тебе молимся, и Тебе просим, Владыко Человеколюбче, Отца Господа и Бога и Спаса нашего Иисуса Христа, нас ради человеков, и нашего ради спасения, сшедшего с небес, и воплотившагося от Духа Святаго, и Марии Приснодевы, и преславныя Богородицы:

3. Иже первее убо словесы учя, последи же и дела показуя, егда спасительную страсть претерпе, подаде нам подписание² смиренным, и грешным, и недостойным рабом Твоим, мольбы приносить Тебе, в выи и колен преклонения их, о своих гресех, и о людских неведениях.

4. Сам, Многомилостиве и Человеколюбче, услыши ны, воньже аще день призовем Тя, изряднее же в день сей пятидесятный, в оньже по вознесению Господа нашего Иисуса Христа на небеса, и седении одесную Тебе Бога и Отца,

5. ниспосла Святаго Духа на святыя Своя ученики и Апостолы, Иже и седе на едином коегождо их, и исполнишася вси неистощимья благодати Его, и глаголаше языки иными величия Твоя, и прорекоша.

6. Ныне убо молящихся Тебе услыши нас, и помяни нас смиренных и осужденных, и возврати пленение душ наших, Твое милование имея о нас молящееся³:

7. приими нас припадающих Тебе, и вопиющих: согрешихом, к Тебе привержены есмы от утробы, от чрева матере наша, Ты еси Бог наш.

8. Но яко исчезоша в суете дние наши, обнажихомся Твоя помощи, лишихомся всякаго ответа,

но дерзающе на щедроты Твоя, зовем:

9. Грехи юности нашея и неведения не помяни,
и от тайных наших очисти нас,
и не отрини нас во время старости,
внегда оскудети крепости нашей:

10. не остави нас,
прежде даже нам в землю не возвратится,
сподоби к Тебе возвратится,
и вонми нам благоприятием и благодатию,
11. возмери⁴ беззакония наша щедротами Твоими,
сопротив постави бездну щедрот Твоих
множеству согрешений наших.

12. Призри с высоты святя Твоея, Господи,
на предстоящя люди Твоя,
и чающя еже от Тебе богатя милости.
Посети нас благостию Твоею,
избави нас от насильства диаволя,
утверди живот наш святыми Твоими и священными законы.

13. Ангела, верна хранителя, пристави людям Твоим,
всех собери в Твое Царствие:
даждь прощение уповающым на Тя: остави им и нам грехи:
очисти нас действием Святаго Твоего Духа:
разруши, яже на нас, козни вражия.

К первой молитве присоединяется еще эта

14. Благословен еси Господи Владыко Вседержителю,
просветивый день светом солнечным,
и ночь уяснивый зарями огненными,
долготу дневную преити нам сподобивый,
и приблизитися начатком ночи:
услыши моления наша, и всех людий Твоих,

15. и, всем нам простив вольныя и невольныя грехи,
приими вечерняя наша моления,
и низпосли множество милости Твоея,
и щедроты Твоя на достояние Твое.

16. Остени⁵ нас святыми Ангелы Твоими,
вооружи нас оружием правды Твоея,
огради нас истиною Твоею,
соблюди нас силою Твоею,
избави нас от всякаго обстояния⁶,
всякаго навета,⁷ сопротиволежащаго:

17. подаждь же нам и настоящий вечер, с приходящею ночью,
совершен, свят, мирен, безгрешен, безсоблазнен, безмечтанен,
и вся дни живота нашего:
молитвами Святыя Богородицы,
и всех святых от века Тебе благоугодивших.

По сугубой ектении молитва вторая

1. Господи Иисусе Христе, Боже наш,
мир Твой подавай человеком
и Пресвятаго Духа дар,
еще в житии и с нами сый,
в наследие неотъемлемое верным присно подаваяй:
2. явленнейше же сию благодать Твоим учеником
и Апостолом днесь низпославый,
и сих устне огненными утвердивый языки,
3. имиже весь род человеческий
Боговедение своим языком в слух уха приимше,
светом Духа просветихомся,
и прелести якоже тмы изменихомся,
и чувственных и огненных язык раздаянием,
и преестественным действием,
еже в Тя веры научихомся,
и Тебе благословити со Отцем и Святым Духом,
во единем Божестве и силе и власти узарихомся.
4. Ты убо, Отчее сияние,
существа и естества Его неизменное и недвижимое начертание,
источниче премудрости и благодати:
отверзи и мне, грешному, устне, и научи мя,
како достоин, и о ихже потреба молитися⁸:
Ты бо еси ведый многое грехов моих множество,
но Твое благоутробие⁹ победит сих безмерное.
5. Се бо страхом предстою Ти,
в пучину милости Твоя отчаяние души моя поверг:
окорми¹⁰ живот мой,
словом всю тварь неизреченною премудрости силою управляяй,
тихое обуреваемых пристанище,
и скажи ми путь, в оньже пойду.
6. Дух премудрости Твоя моим подаждь помышлением,
Дух разума безумию моему даруй,
Духом страха Твоего моя осени дела,
и Дух правый обнови в утробе моей,
и Духом Владычним мыслей моих поползновение утверди:
7. да на всяк день Духом Твоим благим к полезному наставляемь,

сподоблюся творити заповеди Твоя,
и Твое присно памятовати славное пришествие,
и истязательное¹¹ содеянных нами.

8. И да не презриши мя тленными сопрельщатися міра сего красными,
но будущих восприятия желати укрепи сокровищ¹².

9. Ты бо рекл еси Владыко:

яко елика аще кто просит о Твоем имени,
невозбранно приемлет от Твоего присносущнаго Бога и Отца,
темже и аз грешный в пришествии святаго Твоего Духа,
Твою молю благость, елика просих, воздаждь ми во спасение.

10. Ей, Господи, всякаго благодеяния богатый Дателю, и Подателю
благий,

яко Ты еси подаваяй преизобильно ихже просим:

Ты еси сострадателен и милостивый,

Иже безгрешно быв плоти нашае общник,

и приклоняющым к Тебе колена,

приклоняйся любоблагоутробне¹³,

очищение же быв грехов наших.

11. Дажь убо Господи, людем Твоим щедроты Твоя:

услыши нас с небесе святаго Твоего:

освети нас силою спасительных десниц Твоея:

покрый нас кровом крилу Твоею,

да не презриши дел руку Твоею.

12. Тебе единому согрешаем, но и Тебе единому служим:

не вемы кланятися богу чуждему,

ниже простирати руки наша, Владыко, к богу иному.

13. Остави нам согрешения, и приим наша коленопоклонная моления,

прости всем нам руку помощи,

приими молитву всех, яко кадило приятное,

восприемлемое пред Твоим преблагим Царством.

К второй молитве присоединяется еще эта

14. Господи, Господи,
избавлей нас от всякия стрелы¹⁴ летящия во дни,
избави нас от всякия вещи во тьме преходящия.
Приими жертву вечернюю рук наших воздеяния:

15. сподоби же нас и ночное поприще
без порока прейти, неискушенны от злых,
и избави нас от всякаго смущения и боязни,
яже от диавола нам прибывающия.

16. Даруй душам нашим умиление,
и помыслом нашим попечение,
еже на страшнем и праведнем Твоем суде испытания.

17. Пригвозди страху Твоему плоти наша,
и умертви уды¹⁵ наша сущья на земли,
да и сонным безмолвием просветимся,
зрением судеб Твоих.

18. Отъими же от нас всякое мечтание неподобное и похоть вредну:
возстави же нас во время молитвы, утверждены в вере,
и преспевающья в заповедех Твоих.

По малой ектении молитва третья

1. Приснотекущий, животный¹⁶, и просветительный источниче, соприсносущная Отцу содетельная¹⁷ сило, все смотрение за спасение человеческое прекрасне исполнивый, Христе Боже наш, смерти узы неразрешимыя, и заклепы¹⁸ адовы расторгнувый, лукавых же духов множество поправый:

2. приведый Себе о нас непорочное заколение, и тело давый пречистое в жертву, всякого греха неприкосновенное же и непроходное¹⁹, и страшным сим, и неисповедимым священнодействием живот нам вечный даровавый: во ад сшедый, и верей вечныя сокрушивый, и во тьме сидящим восход²⁰ показавый:

3. началозлобнаго же и глубиннаго змия Богомудростным льщением уловивый²¹ и веригами мрака связавый в тартаре²² и огни негасимем, и во тьме кромешней неисчетнословною Твоею затвердивый крепостию, великоименитая премудросте Отчая, напастуемым великий помощник явивыйся, и просветивый сидящя во тме и сени смертней.

4. Ты, славы присносущныя Господи, и Отца вышняго Сыне возлюбленный, присносущный Свете от присносущнаго Света, Солнце правды, услыши нас молящихся к Тебе, и упокой души рабов Твоих, прежде усопших отец и братьий наших, и прочих сродник по плоти, и всех своих в вере, о нихже и память творим ныне, яко в Тебе всех держава, и в руце Твоей содержиши вся концы земли.

5. Владыко Вседержителю, Боже Отец и Господи милости, рода смертнаго же и безсмертнаго, и всякаго естества человеческого Содетелю, составляемаго же, и паки разрешаемаго²³, живота же и скончания,

еже zde пребывания, и еже тамо преложения:
лета измеряй живым, и времена оставляяй смерти:
низводяй во ад и возводяй,
связуяй в немощи, отпускай в силе,
настоящая потребне строяй, и будущая полезно управляяй:
смертным жалом уязвленных воскресения надеждами веселяяй.

6. Сам убо, Владыко всех, Боже Спасителю наш,
надежде всех концов земли, и сущих в море далече,
иже в сей последний
и великий спасительный день Пятидесятницы праздника,
тайну святых и единосущных, и соприсносущных, и неразделимых,
и неслиянных Троицы показавый нам,
и наитие и пришествие святого и животворящего Твоего Духа,
в виде огненных языков на святых Твоя Апостолы излиывый,
и благовестники тех поставивый,
благочестивых нашей веры,
и исповедники истинного Богословия показавый:

7. Иже и в сей всесовершенный и спасительный праздник,
очищения убо молитвенная
о иже во аде держимых сподобивый приимати,
великия же подаваяй нам надежды
ослабления содержимым от содержащих я скверн,
и утешению Тобою низпослатися:

8. услыши нас смиренных и Твоих раб молящихся Ти,
и упокой души рабов Твоих прежде усопших,
на месте светле, на месте злачне, на месте прохладения:
отонудуже отбеже всякая болезнь, печаль и воздыхание,
и учини духи их в селениях праведных,
и мира и ослабления сподоби их:

9. яко не мертвии восхвалят Тя, Господи,
нижесущии во аде исповедание дерзнут принести Тебе:
но мы живии благословим Тя и молим,
и очистительныя молитвы и жертвы приносим Тебе о душах их.

К третьей молитве присоединяется еще эта

10. Боже великий, и вечный, святой, человеколюбивый, сподобивый нас в сей час стати пред неприступною Твоею славою, на пение и хвалу чудес Твоих, очисти ны недостойныя рабы Твоя, и подаждь благодать еже сокрушенным сердцем, невозносительно приносить Тебе трисвятое славословие, и благодарение великих Твоих даров, яже сотворил еси к нам, и твориши всегда в нас.

11. Помяни Господи немощь нашу, и да не погубиши нас со беззаконии нашими: но сотвори великую милость со смирением нашим, да греховныя тмы избежавше, во дни правды ходити будем, и одеявшеся оружием света, ненаветно²⁴ пребудем от всякия козни лукаваго, и со дерзновением прославим о всех, Тебе единого истинного человеколюбца Бога.

12. Твое бо яко воистину и великое вресноту таинство,²⁵ Владыко всех, и Творче, временное решение²⁶ Твоих тварей, и еже по сих совокупление и упокоение еже во веки.

13. Тебе благодать²⁷ о всех исповедуем, о входах наших, яже в мир сей, и исходах, надежды нам Воскресения, и жизни нетленныя, Твоим неложным обещанием предобручают, яже примем в будущем втором пришествии Твоем:

14. Ты бо еси и воскресения нашего Начальник, и поживших неумытный²⁸ человеколюбивый Судия, и мздовоздаяния Владыка и Господь, Иже и приобщивыйся нам приискренно плоти и крове, низхождения ради крайняго:

15. и наша страсти неотметныя²⁹, внегда волею во искус поставити, примим за милосердие щедрот, и в немже пострадал еси сам искусився,

искушаемым нам быв самообещанный помощник:
темже и совозвел еси нас в Твое безстрастие.

16. Приими убо Владыко, мольбы и моления наша,
и упокой вся отцы коегождо, и матери, и чада, и братию, и сестры,
единородныя, и купнородныя, и вся прежде почившыя души:
в надежде воскресения жизни вечныя учини духи их,
и имена в книзе животней, в недрах Авраама, и Исаака, и Иакова,
в стране живых,
в Царствии Небеснем, в раи сладости, светлыми ангелы Твоими,
вводя вся во святыя Твоя обители,
совоздвизай и телеса наша в день,
в оньже определил еси по святым Твоим и неложным обетованием.

17. Несть убо, Господи,
рабом Твоим смерть,
исходящым нам от тела,
и к Тебе Богу нашему приходящым,
но преставление от печальнейших на полезнейшая и сладостнейшая,
и на упокоение и радость.

18. Аще же и что согрешихом к Тебе,
милостив буди нам же и тем:
зане ни един есть чист пред Тобою от скверн,
ниже аще един день живота его есть,
разве Ты точию един,
на земли явивыйся безгрешный Господь наш Иисус Христос,
Имже вси уповаем милость получитьи,
и оставление грехов.

19. Сего ради нам же и онем,
яко благ и человеколюбец Бог,
ослаби, остави, прости грехопадения наша,
вольная и невольная,
яже в ведении, предъявленная и забываемая:
яже в деянии, яже в помышлении,
яже в словеси, яже во всех наших житиях и движениях.

20. И отшедшим убо свободу и ослабу даруй,
нас же сущих zde благослови,
конец благий и мирный даруя нам же и всем людем Твоим,
и милости и человеколюбия утробу отверзаяй нам,
на страшнем и ужаснем Твоем пришествии,
и царствия Твоего достойных нас сотвори.

К третьей молитве присоединяется еще одна

21. Боже великий и вышний,
Едине имеяй безсмертие,
во свете живый неприступнем,
всю тварь мудростию создавый,
разделивый посреде света, и посреде тмы,
и солнце убо положивый во область дне,
луну же и звезды во область ночи.
22. Сподобивый нас грешных
и в настоящий день предварити лице Твое во исповедании,
и вечернюю Тебе службу принести:
23. Сам Человеколюбче Господи,
исправи молитву нашу яко кадило пред Тобою,
и приими ю в vonю благоухания.
24. Подаждь же нам настоящий вечер и проходящую ночь мирну,
obleцы ны оружием света,
избави нас от страха ноцнаго,
и от всякия вещи во тме преходящая,
25. И даруй нам сон,
иже во упокоение немощи нашей даровал еси,
от всякого дьявольскаго мечтания изменен.
26. Ей, Владыко, всех благих Подателю,
яко да и на ложах наших умиляющесе, вспомянем
и в ноци пресвятое имя Твое,
27. и поучением Твоим заповедей озаряеми,
в радости душевной востанем к славословию Твоея благости,
молитвы и моления Твоему благоутробию приносяще о своих
гресех, и о всех людех Твоих:
ихже, молитвами Пресвятыя Богородицы,
в милости посети.
-

Примечания

¹ - Бог знает, что нам нужно, прежде прошения нашего, но молитва к Нему нужна, как свидетельство нашей веры в Него и любви к Нему, нашего смирения и сознания необходимости Его помощи.

² - Заповедь, – Своим Божественным Словом (Мф. 6:9) и примером (Лк. 22:40–46).

³ - По Твоему милосердию к нам. Евр. 7:24–25; Евр. 9:24.

⁴ - Воздай.

⁵ - Защити.

⁶ - Напасти, беды.

⁷ - Козни.

⁸ - Рим. 8:26.

⁹ - Благосердие.

¹⁰ - Управи.

¹¹ - Обличительное.

¹² - Не презирай меня за прельщение приятными, но тленными (непрочными) сокровищами мира сего, и укрепи меня в желании получить сокровища будущей жизни.

¹³ - Милосердно с любовью.

¹⁴ - Испытания напасти.

¹⁵ - Пригвозди плоть, умертви уды (члены тела), – как средства, чрез кои мы склоняемся на грех, сделай недействительными.

¹⁶ - Оживляющий.

¹⁷ - Творческая.

¹⁸ - Запоры.

¹⁹ - Недоступное.

²⁰ - Выход.

²¹ - Начальника зла, обитающего в адской глубине, змия уловивший своим богомудрым уловлением.

²² - В преисподней.

²³ - Всего возникающего и опять уничтожающегося, жизни и смерти.

²⁴ - Безопасно.

²⁵ - Ибо Твоя по истине и действительно велика тайна.

²⁶ - Временное разрушение Твоих творений, а затем их соединение и

вечное упокоение.

²⁷ - Благодарение за все, или – Твою милость во всем.

²⁸ - Беспристрастный.

²⁹ - Неотъемлемо принадлежащи.

Содержание

Коленопреклоненные молитвы на Троицу святитель Василий Великий	1
Молитва первая	2
К первой молитве присоединяется еще эта	4
По сугубой ектении молитва вторая	5
К второй молитве присоединяется еще эта	7
По малой ектении молитва третья	8
К третьей молитве присоединяется еще эта	10
К третьей молитве присоединяется еще одна	12
Примечания	13